

宋

會

要

全唐文

宋會要

黜降表五

崇寧元年九月十四日詔開具元符三年臣僚章疏姓名邪上尤甚范柔中鄧考甫封覺民李新吳朋衡鈞胡端修趙令時周誼安信之孫琮高公應郭執中王察趙岫李傑李賁石芳吳安遜朱竑周永徽楊琳金極張集呂諒卿蘇昞鮮于綽黃策高漸王右張夙王賈葛茂宗曹益趙天优衮公適洪羽柴衮劉謂邪上梁寬曹興宗謝潛許安修羅鼎臣于肇黃遷劉吉甫王公彥萬侯正楊拙許堯輔胡良李修黃安期梅君俞沈千張居黃才冠宗顏曹譽林膚葛輝達純熙王交張溥胡潛劉勃陳

唐董祥陳師錫王守蔣津高遵恪王陽張裕王拯侯顯
道周遵道宋壽岳扈充邪中趙越朱光裔王忠恕劉質
夫鄧允中王岐謝惛蘇處厚高公湜吳偉江洵劉冲蕭
刑劉殘宋勛年吳文規張惛狄瑾郭時楊令劉憲張宋
任寶賢任伯雨蘇大本沈街王箴陳師錫王發呂陶李
浩王履陳師道上官公裕劉天啟張來史彭年梁俊民
黃鉉李賡李昇楊垣薛逢梁景初李震張謐耿毅劉渙
李平劉廓李孝迪陳中夫張永弼張戢李良翰竇誦黃
安期孫大臨張恕宋許李杲馬衷高定唐柎富開鮮于
綽韓^英范鏐陳象古王天常竄祖武李幹翁升邵伯溫
張上行韓安岳商師申宇文諛李知遠吳璵潘見素蘇

之悌張蘇李閔衡石祁彭年陳詰葉世英孫琮毛隨楊
敦仁檀固許廣淵李雲從夏侯景仁唐廣仁許邵高徽
楊明郭簡修黎延孫秉義陳昇朱曾陳琰段察武仲荀
姚諷王望之李由頤蘇迥段黌馮伯藥陳良能王迥趙
孝立宋之珍楚興宗陳邠李晉裕馮千里高士鄆韓晞
王彥昇張確劉奕王由師范植賀昌辰張及張鐸鞠士
復曹公裕裴迪祖王祐梁安國晁說之王奧劉經國倪
直孺王夷約楊天惠劉覺陳策李處仁朱恪路昌衡周
鼎李圭陳鎮邪下王萃朱肱錢昇楊忠信王收李庚劉
端彥梁光張獻傳耆王偉趙茂曾楊致祥董丕竹璟鄭
綱党鈞任日新趙齊賢蘇堯臣高復任仲奇閻邱陞陳

瑛阜成彭作梁蕤陳琳王腴喬天錫丁執善何宗翰卞
衷李知章范子修李援徐瑛王覲毛叔度吳倚方适林
定譚極黃同傳希龍王彥若王師正劉知至劉宋李程
馬收任廬竇護黃汝方宋適張譽杜之邵王時馬恕孫
發李彥弼倪直侯王箴楊韶鄧安正黃正一呂公美徐
公賈李公寅楊伯聶敏修吳昞崔陟徐說謝諸周邠高
臨李士志蕭景修徐俯李孝常范百億何權宇文輝俞
次契審宗傑魏鏜李義叟蘇之悌時君陳張照李茂安
譚章諷魏价江綦陳雖林宗直陳京陸渙張保淳程之
才余卞呂蕢魏當陸彥述支詠劉勃陳京費勉中馬永
逸董人辛春卿毛撟黃叔靖陳竑楊恂鄭子淵傅列蓋

士宏耿居正毛完師薛蕃黃諷聶思孝楊明寧鳳舒升
中洪芻武仲洵向湜徐愈王驥陳力閻建孟道張友劉
跂汪忱李燾邵樞胡盤熊浚明崔鷗向詢黃應求劉仲
昕司馬宏孟宗直張元矩黃熙唐嘉問曾嶧范子舟江
汝言馮正卿王濤劉思徐大經呂元中吳文規杜穎柴
羲卞義歐陽昊尹翊胡沔孫大臨葛敏修葉擬錢大中
燕景賢任唐毅張碩陳誨李庭堅史君陳揚居陳并黃
子蹇趙晞張沆王彥富純江洵劉溥吳瓌史保躬趙丕
遠王璉姜蹈中朱繪西門聿趙襄馬洙張濟朱恪李黯
文嘉謀上官彝孫曾潘瑤黃璫胡庶程俱馬待問李翦
國希尹燕默傅寧鄭少微王知常赦宗臣林駢鄭語劉

寬施邁楊容之高公湜何景甫范埴張廷玉唐靖趙衡
王適曾驛劉蒙先才蓋薦李敷常張直楊懷寶李處晦
晁詠之宋由正陳中張珙史彭年李機楊禾梁鼎吉高
公傑趙子渙家願陸表民楊傑白鎮袁公適蘇象先高
漸趙仵郭永年楊傳朱行中王注滕友侯晉升周諤毛
友直范世文苗綦王景下王景行謝舉廉李世基陳穀
竇卞趙渥孟長民周矜闕崇郭奉世薛及仕有功徐商
美宇文湛劉之美上官均張沔王公彥賈休復宋直方
喬甫高士丕江煒劉鼎臣常徽猷何奐韓升卿何大受
陳修已賀霖張彥逸俞唐馬希道蒲俊劉奐秦憲蔣琳
方鼎胡謹修馮正雅張宇張材勾居體 二十一日韓

惠彥降三宮提舉西京嵩山崇福宮外州軍任便居住
曾布降授中大夫司農少卿分司南京依舊太平州居
住李清臣追貶雷州司戶參軍黃履追貶雅州團練副
使朝請大夫提舉舒州靈仙觀曾肇降兩官依舊提舉
舒州靈仙觀岳州居住責授海州團練副使商州安置
豐稷責授道州別駕台州安置陳瓘龍興寺除名勒停並
編管閩守勲責授鼎州團練副使依舊舒州安置宣政
使嘉州刺史提舉亳州太清宮張琳除名勒停依舊安
州羈管馮說特勒停西京居住曹益葛茂宗楊琳蘇昞
劉謂袁公適柴袞趙天祐馮百藥洪羽除名勒停並編
管以元符末大臣及臣僚累有奏陳乞復后並乞廢后

事故有是命

十月三日詔右正議大夫提舉西京嵩

山崇福宮韓彥忠可特授太中大夫懷州居住差遣如

故以臣僚上言忠彥前宰相詆毀先烈不遵父訓權譖

赫然實專廢置故也 二十七日詔應責降充宮觀人

不得同在一州軍居住 十一月二十一日降授中大

夫守司農少卿分司南京太平州居住曾布可特授武

泰軍節度副使衡州安置制謂頃被國恩嘗居相位專

權自恣黷貨無厭交通近習之私顯有朋邪之迹公行

問遺密達詬言捨他人之田以矯報親恩請有識之地

以自圖已福啟後世難防之弊隲本朝有定之規罪不

勝誅刑其可緩 二十三日詔元符下詔求直言蓋欲

廣朕聞見裨益政治比以所上章疏付之有司考其所
言內有附會姦慝誣毀先帝政事者總五百四十一人
然惡有淺深罪有輕重取其詆譏謗斥言之尤甚者三
十八人覽之流涕弗忍再觀得罪宗廟朕不敢貸可責
逐遠方次等者四十一人其言亦多詆譏各與等第降
官責遠小處監當以戒為臣之不忠者勘會邪上尤甚
係范柔中等三十八人內郭執中已除名勒停朱紱老
疾邪上次等係寬等四十一人內陳唐扈充許安修已
身亡劉吉甫係承務郎致仕奉聖旨范柔中等並勒停
永不收叙朱紱免羈管外餘分送逐處羈管于肇至王
公彥二十九名並衝替係私罪事理重仍不得改官

十二月二日詔責授太中大夫提舉西京嵩山崇福宮
懷州居住韓忠彥為崇信軍節度副使濟州安置武泰
軍節度副使衡州安置曾布為賀州別駕降授端明殿
學士右光祿大夫提舉西京嵩山崇福宮安燾為寧國
軍節度副使漢陽軍安置觀文殿學士右正議大夫知
杭州蔣之奇落職以御史中丞錢適言忠彥等輔政日
棄湟州之地故也同日詔降朝奉大夫管勾舒州靈仙
觀濠州居住陳次升為奉議郎監西京中嶽廟臨江軍
居住朝散郎尚書左司員外郎都貺為奉議郎以尚書
省檢會皆嘗乞地故有是命 二十七日辰州通判朱
宗禮追兩官勒停其高士俊追官勒停指揮勿行陳舉

贖銅十斤舉任湖北轉運判官常劾知辰州任琮與通判高士俊當徭人入寇縱酒不卹邊事琮除名勒停編管士俊追兩官勒停已而舉自言通判乃宗禮非士俊也故正其罪 二年正月二十六日降朝散郎直龍圖閣鄧延路經畧安撫使王傳聞落職知懷州以姑息將兵闕於訓練故也 二十九日朝散大夫管勾南京鴻慶宮鄂州居住范純粹責授常州別駕鄂州安置臣僚上言紹聖中先帝興師討伐西夏進城築舉盡得橫山之地訪問建中靖國之初前安撫使范純粹本有棄地之謀而陰輔權臣上掩先皇帝用人討蕩進築之功以快私憤故有是責 三月六日臣僚上言應元祐及元

符之末黨人子弟並令在外居住不得擅到闕下令開
封府覺察從之 十二日朝奉郎管勾洪州玉隆觀黃
庭堅特除名勒停送宜州羈管坐陳舉奏撰荆南府承
天寺碑言涉謗訕故也 十六日宣德郎守尚書禮部
員外郎陳暘降授承事郎奉議郎守尚書禮部員外郎
何昌言降授宣德郎朝散大夫試禮部尚書徐鐸罰銅
二十斤以試有官宗子差誤故也 四月二十日左右
朝議大夫寶文閣待制充高陽關路經畧安撫使兼知
瀛州胡宗師落職提舉杭州洞霄宮以臣僚論其薦楚
州進士樂韶不當韶鄒浩之友故也 三十日詔故宰
相王珪追贈官并謚王仲端王仲巖並放罷遺表恩例

減半以臣僚言其欲成姦謀故也。五月七日任伯雨除

名勒停編管昌化軍陳瓘勒停編管廉州龍興史除名勒

停編管象州責授衡州司馬永州居住鄒浩除名勒停

編管澧州陳祐除名勒停編管歸州李深除名勒停編

復州張庭堅除名勒停編管鼎州江公望除名勒停編

南安軍已上並永不得收叙王覲除名勒停臨江軍居

住責授道州別駕台州安置豐稷除名勒停建州居住

降授承議郎管勾洪州玉隆觀謝文曜除名勒停邵武

軍居住責授楚州團練副使張燾民除名勒停房州居

住八日前承奉郎曾紆特送永州編管承奉郎曾縉

特除名勒停曾布特責授廉州司戶參軍依舊衡州安

置時連坐編管勒停降官贖銅者一百五十餘人以開
封府奏勘到紆縲為欠任宰相日受人賂遺錢銀犀玉
等為人請求差遺故也 十五日朝奉郎中書舍人兼
直學士院同修國史鄭居中知和州東上閤門使鄭紳
罷職停朝參初紳客祝安惠上書狂妄言涉謗讟言者
論紳暱近克邪居中不能規正季父之失故皆責之
十六日寶文閣直學士知應天府路昌衡落職與宮觀
梁安國何大受蘇迥檀固王箴並特勒停永不收叙分
送逐州羈管陳并楊瓌寶周錡蕭利趙越倪直孺滕友
洪芻並降兩官與外任監當鄧允中梁俊民葉世英江
洵陸表民方适並衝替張恕落職降兩官以詆訕元豐

紹聖之政故也

七月七日降授皇城使秦州居住李

穀責授單州團練副使秦州安置以議棄河湟地故也

十三日降授朝奉大夫提舉舒州靈仙觀岳州居住

曾肇責授濮州團練副使汀州安置以元祐黨籍故也

十九日詔李湜追貶五官唐義李備已死並追奏補恩

澤胡田已致仕追任子思余卞追一官並依舊致仕樞

密院奏乞第罪元祐中與棄湖南地者湜先為湖南帥

義問備措置邊事田知鼎州卞知沅州故皆坐之 二

十六日手詔朕恭惟欽慈皇太后生育朕躬孝養弗及

即政之初即詔有司議尊崇之典祖宗以來具存舊章

有司觀望務從降禮使朕不得伸罔極之報興言及茲

慨然嗟悼今雖悉從改正而議禮之官未正其罪如劉
拯等抗論不從亦未褒賞其速定賞罰以聞於是朝請
郎曾旼屯田員外郎吳綱知耀州王允中知和州鄭居
中各降一官 八月一日龍圖閣直學士提舉西京嵩
山崇福宮李南公落職致仕內侍閤守勲責賀州長史
金州安置以言者論其元符置使修奉哲宗廟室南公
守勲領其事而陞祔之日乃置于東隅夾室中藏之祝
板之室處以桃主之地神帳鼎俎皆裁損以就狹小故
有是責 同日除名勒停八龔史張庭堅移化州象州
編管責崇信軍節度副使韓忠為磁州團練副使安燾
為祁州團練副使依舊安置降右正議大夫知杭州蔣

之奇為中大夫除名勒停人陳次升移循州居住降授
承議郎知坊州都貺降宣義郎添差監撫州鹽礬酒稅
務並以嘗議棄湟州地今湟州已復故責之 九月二
十五日臣僚上言乞具列姦黨姓名下外路州軍監司
廳立石刊記以示萬世從之御史臺錄到下項元祐姦
黨曾任宰臣文彥博呂公著司馬呂大防劉摯范純
仁韓忠彥王珪曾任執政官梁燾王巖叟王存鄭雍傅
堯俞趙瞻韓維孫固范百祿胡宗愈李清臣蘇轍劉奉
世范純禮陸佃安燾曾任待制已上官軾范祖禹王
欽臣姚面顧臨趙君錫馬默孔武仲王汾孔文仲朱光
庭吳安持錢勰李之純孫覺鮮于侁趙彥若趙鼎孫升

李周劉安世韓川賈易呂希純曾肇王覲范純粹楊畏
呂陶王古陳次升豐稷謝文瓘鄒浩張舜民余卞秦觀
湯馘杜純司馬康宋保國吳安詩張耒歐陽棐呂希哲
劉唐老晁補之黃庭堅黃隱畢仲游常安民孔平仲王
鞏張保源汪行余奕鄭俠常立程頤唐義問余卞李格
非商倚張庭堅李祉陳祐任伯雨陳郭朱光裔蘇嘉陳
瓘呂希績歐陽中立吳儔二十九日集賢殿修撰知
穎昌府文及甫集賢殿修撰楊康國集賢殿修撰致仕
呂陶並罷職與宮觀差遣內係宮觀即依舊以言者論
及甫方元祐分更彥博為首而及甫往來群邪之間協
濟姦謀康國元祐中劉摯引為死黨徧歷臺諫排擊所

增傾詐儉邪陶元祐中嘗自諫垣而厯中書舍人給事中終始附會詭計實多先帝皆以黜責然尚聯職書殿陶已入籍外所有職名乞行橈奪如及甫康國者更乞顯黜置之籍中以為臣子無窮之戒故有是責 三年正月六日吏部尚書何執中奏應上書邪等人自不合擅到闕下及在京居住詔從之仍見任在京差遣人並放罷 二月六日章惇王珪為臣不忠可別為一籍仍依元祐姦黨指揮施行以臣僚論其姦惡乞編入元符姦籍故也 十二日詔故給事中張問入籍仍為下等以臣僚上言問為彥博之黨也 十三日詔提舉南京鴻慶宮李茂直入籍仍為下等以臣僚上言元祐初茂

直充湖北運副預棄渠陽乞實之黨籍故也 五月二

十五日知鄂州潘迺特衝替以進銀五百兩助修宮庭

特有是責其銀仍退回十月龍圖閣學士知成德軍呂

嘉問落職以臣僚言其壻曾誠納賂曾布子紆求館閣

差遣故也曾誠特亦勒停 七月二十九日詔王防令

吏部與添差遠小處監當以臣僚上言防自館職帶史

院官以罪送吏部授德州德平鎮監稅乃違年不赴巧

為避免故也 同日詔馮壁罷司門員外郎以言者論

其才品猥下驟遷冒據 十月二十一日河東路經畧

安撫使兼馬步軍都總管兼知太原軍府邢恕特降兩

官以涇原賊深入有失措置故也 二十六日降武勝

軍節度觀察留後熙河蘭會路經畧安撫使王厚為秦
州觀察使以夏人寇涇原不即應援及失措置軍儲故
有是命 二十七日再降厚為郢州刺史 十一月十
一日直龍圖閣知穎昌府司宗炎提舉南京鴻慶宮以
言者論其庸懦不足當藩翰之任故也 四年閏二月
二十一日詔范坦罷殿中監特責授舒州團練副使房
州安置以辭免使事徇私辭難故也 三月七日朝奉
大夫集賢殿修撰知慶州曾孝序除名勒停編管封州
以違戾詔旨不與諸路約日出兵故有是命 十三日
右銀青光祿大夫提舉西京嵩山崇福宮呂惠卿特令
致仕以言者論其驕蹇恣橫等七罪故有是命 二十

一日戶部侍郎兼侍讀吳棫知單州以知開封府日宗
郎訐家事究治不實故也 五月十四日鍾傳落龍圖

閣直學士知汝州侍衛親軍步軍都虞候武安軍節度
觀察留後涇原路經畧安撫使折可適落職降刺史以
料敵不審也 八月一日京東路轉運副使王粲降兩
官奉議郎李景夏朝奉郎李升各降三官升仍送吏部
以提點刑獄李公彥奏淮陽軍獄歲死七十二人粲為
為本路憲景夏升為守倅故也十一月十二日天章閣
待制曾孝廣降一官落職與小郎知州以充泛使北朝
國信使申奏語錄隱漏及與三節人從袂衣相見接坐
等罪故也 五年正月二十六日詔龍圖閣直學士知

鄂州黃裳落職提舉杭州洞霄宮以言者論其目昏不事事營飾臺榭不卹軍民故有是命 四月二十一日詔訪聞徐確知杭州日公然寬縱販私鑄錢緣此盜鑄之弊繁熾不可禁止可令吏部與遠小處監當差遣

五月二十四日通議大夫知鄂州張商英差提舉西京嵩山崇福宮 六月六日中書舍人許光疑罷知蘄州以奏陳不實也 八月二十四日新除太常少卿馮澥

放罷送吏部添差郴州監茶鹽酒稅以澥劄子論關陝勞弊湟廓西寧三州乞采前世羈縻之義招其酋豪授以旄鉞其餘首領等級命官詔澥處有羈縻之請實為捐棄之謀故有是責

詳見唐門青

同日兩浙路轉運副使

劉何轉運判官胡夾修提點刑獄公事祖理各降兩官
仍令兩浙路監司開具所辟勾當官職位姓名申尚書
省以兩浙水災委官調夫開導吳松青龍江計用過錢
米一十六萬九千三百四十一貫碩役夫死亡總計一
千一百六十二人而積水依舊為害故有是命 二十
八日直秘閣曾孝序落職差管勾西京嵩山崇福宮以
言者論其帥環慶日誤國無謀也 九月四日錢通罷
工部尚書除顯謨閣待制知秀州以言者論其舉馮澥
自代也 七日降龍圖閣學士朝散郎知河府范致虛
降兩官致虛與兄致君坐與陳寧之訟田積二十餘年
不決至是大理蔽罪曲在致虛故也 十一月二十七

日權將作監蔡芝送吏部與合入差遣以言者論其係執政親黨而所為輕儆敗壞禮法故也 十二月五日

中大夫龍圖閣待制知蘇州蹇序辰落職提舉杭州洞霄宮坐縱盜鑄錢本州市肆所用皆非官鑄故也 同

日詔顯謨閣待制新知青州王端微命不恭輒自請留稽違君命可落職知黃州 八日朝奉大夫司勳郎中

周彥質罷送吏部王雲追奪逐次所推恩例毛滂翟汝文元時敏並送吏部與監當皆章紱盜鑄連坐也 十

四日兩浙路轉運使孫虞丁判官胡璞提點刑獄馬昭黃克俊並放罷令蘇州制勘皆坐言者論其縱盜鑄者人有告言亦置不問故也 十五日金部員外郎范域

祕書省著作左郎王寀並與在外合入差遣以言者論
域寀出入劉逵之門內為腹心外作羽翼故黜之 大
觀元年二月十八日吏部侍郎白時中降一官以言者
論其申請廢內外辟舉之法魚陽借元豐之名陰排紹
聖之政故也 二十二日詔謝中美罷祕書省正字言
者論中美捨所學而習天文占驗之術巧為傳會之說
以干執政乃得入館名實不正故有是命 二十六日
朝奉郎充顯謨閣待制江淮荆淝等路制置發運使曾
孝蘊降授承議郎胡師文各降一官以言者論其泗河
之役績用弗成故也 三月八日前知蘇州塞序辰勒
停以縱部民盜鑄為監察御史張茂直所劾故再責之

四月三日承議郎顯謨閣待制知洪州李景直放罷落職差提舉舒州靈仙觀令四輔外任便居住坐言者論其闡茸不可以當數路之對也 五月二日提舉京

畿常平王仲原奏增修北輔推恩官計八十二員二十四員受賞僥倖一十八員受賞太優所有臣轉一官實無勞効委是僥倖伏望追還詔王仲原依所乞餘僥倖并太優人並追奪 四日樞密直學士朝散大夫提舉西京嵩山崇福宮王能甫落職朝議大夫呂淵降承事郎王為之並特追毀出身以來文字除名勒停免直決不刺面淵配沙門島為之配朱崖軍承議郎顯謨閣待制知密州王資深特責授衡州司馬新州安置延福宮

使唐州團練使提舉西京嵩山崇福宮閭守勲責授團
練副使永州安置觀文殿學士右銀青光祿大夫知杭
州呂惠卿責授祁州團練副使宣州安置資政殿大學
士金紫光祿大夫充醴泉觀使兼侍讀蔡卞降充資政
殿學士提舉亳州太清宮並坐妖賊張懷素謀反事
九日責中大夫知亳州劉逵為鎮江軍節度副使安州
居住丁憂人降充顯謨閣待制胡師文落職提舉亳州
明道宮朝請大夫直龍圖閣知應天府張詢落職添差
監高郵軍監稅顯謨閣直學士知楊州劉拯落職提舉
南京鴻慶宮逵以奉使高麗過諸郡汙濫師文以議香
鹽法不當詢拯不覺察章繼載盜鑄錢入境故也 六

月二十六日詔責龍圖閣學士中大夫呂嘉問為安化軍節度副使郢州安置坐知成都府不能律身奉法故也 七月十一日知興仁府周秩與小郎以言者論其貪墨故也 七月二十二日塞序辰責授單州團練副使江州安置以言者論其知蘇州民盜鑄致錢法大壞故也 八月十九日宣德郎衛尉少卿王孝迪送吏部與合入差遣以言者論其為奉常建議有違典禮故也 二十九日兵部尚書石膚刑部郎中朱確員外郎游百揆各更降一官以言者論行李無咎事乖謬又以納樣小黃錢指揮行下他路惑亂衆聽雖已降官未厭衆論故也 十月十三日詔責通議大夫提舉西京高山

崇福宮張商英為安化軍節度副使歸州安置以言者論其險愎姦慝中懷舊憾輒肆詆斥形於表奏故也

閏十月七日御史中丞盧航知海州左正言陳禾送吏部添差監信州鹽酒務開封尹李孝壽知號州航以無所建明禾以論事誕謾孝壽朋邪縱姦故責之也 十三日龍圖閣直學士知永興軍王宓知汝州以言者論其守華州治告訐之獄侵冤無辜故也 十二月二日

龍圖閣學士朝散郎范致虛落職提舉南京鴻慶宮致虛以酒遺中書門下後省吏王孝恭等刺探差除等事御史臺具故有是命 二年二月二十七日中書省勘會河北河東路賊未見捉殺盡靜全無措置詔胡宗回

徐彥孚各先降三官許良肱王況各降兩官仍限十日
措置捉殺如限滿不獲別行黜責 三月三十日宣德
郎知同州韓城縣張剛中降一官以妄告訐同僚郭子
旂題詩有詆訕故也 五月十一日知亳州鄧洵武提
舉亳州明道宮知壽州蔡卞提舉亳州大清真宮知徐州
吳居厚提舉南京鴻慶宮知河中府鄧洵仁提舉杭州
洞霄宮知陳州王能甫提舉亳州明道宮以臣僚上言
係緣吳儲吳侔等連坐稍重之故也 十七日單州團
練副使塞序辰移永州安置序辰守蘇州日開啟天寧
節祝聖公筵係十月十日序辰以父私諱移於九日為
言者所論再有是責 二十四日知開封縣丞奉議郎

胡綸前知開封縣朝奉郎賈公望各降一官以有陰人黃澤等將小平錢出京失覺察故也 六月二十八日工部尚書劉炳為顯謨閣直學士知陳州以言者論炳昨在翰苑制詞荒繆以不稱職罷為工部尚書其實遷也今又以私意妄議新厯故有是命 七月二十九日密州觀察使李許可降授濮州團練使以上殿乞一知通州了婚葬故也 八月三日詔蔡薺罷給事中落集賢殿修撰依舊知和州以言論其審量元祐得罪入籍之人取情理輕者與落罪籍既已議定具狀申尚書省薺獨不肯簽故也 十五日詔梁子挺子直子恕子博並罷見任以臣僚言其兄弟資序未及皆除監司守倅

未聞績效而驟進故也 二十六日開封府工曹參軍

宋或復換西京作坊使大理寺主簿程貽孫送吏部與
監當差遣以言者論或為梁子美鷹犬陵驚不遜或子
美妻之兄弟之子初不親文墨自小使臣換文資二年
之間官至朝散郎孫以父事子美母事子美之妻自稱
自稱曰末男子美妻死為制服行喪違犯律條事在不
齒故皆黜之 十月二十四日中大夫御史中丞吳執
中罷知處州以無所建明奏陳狂妄也 十一月二十
日徽猷閣待制知陳州劉炳及其弟煥並落職候葬事
了畢與小郡以不葬祖母及父母二十餘年為臣僚論
列故也 同日將仕郎孫燮宣德郎賈黜並特令吏部與

遠小處差遣為考試卷收取犯不考者為合格也 二

十八日開封府參軍高日華李鼎弼並降一官放罷以推勘李中孚獄不務檢實故也 三年正月五日吏部

員外郎張開送吏部與監當以接伴遼國人使失職也

七日權司門員外郎劉瑄送吏部與監當以言者論其素行貪濁也 十日濯汝文落直龍圖閣以臣僚言

附會劉逵迹狀顯著衆所憤疾也 二月二日國信使

承議郎尚書吏部侍郎劉煥落集賢殿修撰還所降官

官知蔡州以不葬其親故也 十一日詔中散大夫京

西北路提點刑獄梁子雅降授朝議大夫降授承議郎

京西南路提點刑獄王旂降授奉議郎並差遣如故以

一路多強盜也 四月二十八日祠部員外郎前京西
南路提舉學士路瑗罰銅八斤以臣僚言近試貢士京
西南路上中下等並無中選者若槩罰一路太守教官
不勝其衆提舉官不得其人則人才等進濫中者多故
有是罰 五月六日尚書庫部員外郎胡直孺送吏部
以言者論其趣操回邪交關權要故也 十四日詔葉
夢得罷翰林學士為龍圖閣直學士知汝州以言者論
其內行不修故也 同日詔從事郎石恣罷刑定官以
既罷詳定一司敕令所刑定官不當復降也 二十一
日提舉利州路學士祝廷送吏部與合入差遣以姦臣
章復之親故也 二十二日詔李仔既已改正則高述

豈得無罪可罷開封府刑曹參軍送吏部與合入差遣以李仔因姊喪在假七日被述捃摭放罷也 六月二十日太僕少卿趙震奉議郎知襄州王傑並送吏部言者論震以知茶自名取媚權要傑嘗迎餞北使以淫縱獲罪故皆黜之 七月三日膳部員外郎張宏駕部員外郎徐宅放罷宏喬年所薦宅謫事喬年故也 八日太常少卿陸蘊蔣猷並送吏部直注合入差遣蘊知虔州瑞金縣猷通判南安軍先是臣僚言景靈宮不建僖祖殿有旨禮部太常寺同討論具議狀以聞禮部兩集太常官及屢移文督而遷延不決至是言者謂蘊猷皆前執政親戚所援觀望附離故有是命 九日

權太常寺丞李孝昌太常寺丞姚易太常博士張山李
勉各降一官以議禮多曲說故也 二十三日尚書禮
部員外郎葛勝仲送吏部以言論其議僖祖殿室唱為
異端故也 二十五日客省使榮州刺史知滄州辛叔
獻放罷以久在邊郡豪橫不循法守故也 同日蔡居
厚罷戶部侍郎知秦州以言者論居厚昨為諫官密受
權臣風旨為之鷹犬而群邪亂政無所排擊故也 八
月二日劉法罷熙河蘭湟路經畧安撫使轉運使許天
啟降兩官差遣依舊通判劉師民降兩官衝替以頒大
樂至熙州法不出迎繼而安頓州學法天啟師民始同
來州學看故併坐之 二十三日新除戶部員外郎李

友聞內殿崇班裴珪各降一官並坐前任信安軍定羅
價太高故也 二十四日知虢州何康直放罷送吏部
永不得與知州軍差遣以酷虐故也 同日通判秀州
林旨放罷送吏部與合入差遣以林攄之姪也 二十
九日符寶郎鄭南送吏部以言者論南父母之年俱及
七十歷仕以來未嘗迎侍故也 十月二十二日提舉
兩浙學事李敦義放罷送吏部與合入差遣以倚勢作
威造言惑衆也 二十六日責侍衛親軍馬軍都虞候
彰化軍節度觀察留後劉法為武康軍節度副使亳州
安置法前知熙州不虔君命放罷令京畿聽候指揮行
至鄭州故有是命 十一月四日詔顯謨閣直學士新

知鄭州席旦上殿進對遲留意在選請可降顯謨閣待

制知滁州

十二月九日刑部郎官大理寺合干官各

降一官內選人比類施行以獄成案具而稽留不斷也

四年正月十七日前知成都府路轉運判官張持送

吏部與遠小監當以臣僚論持欺誕擅以私意變更錢

引故也

十九日刑部侍郎馬防降一官知蘄州以使

遼失指故也

同日直秘閣湖南轉運使李偃落職送

吏部以言論偃累任監司所至無善狀父年八十餘不

復省侍故也

二月二日提舉亳州明道宮呂惠卿降

一官以言者論其謝復官表尚懷怨望故也

三月二

十五日集賢殿修撰唐恪降直龍圖閣知蔡州張為落

不及十次知
縣衝替縣
尉勅停

職知廣德軍以言者論恪無他才能職任過優為請託
姻家徼冒恩賞故也 四月十日知延安府錢昂及當
職僉書官各特降一官以文移內犯真宗廟諱故也
五月一日司農卿吳亮送吏部以言者論亮昨為都司
貪功冒賞超躡崇資不顧廉恥故也 二十二日工部
郎官李稅罷職送吏部以不當獨銜具劄不與長貳通
知輕忽長吏越職犯分故也 二十四日追贈宣奉大
夫王祖道為昭信軍節度副使責知桂州張莊為舒州
團練副使永州安置皆以開拓新邊誕妄故也 二十
九日詔河北河東群賊經歷縣分及十次以上知縣特
降一官衝替縣尉一官勒傳內一次兩次知縣各降一

官縣尉衝替內降官人選人比類施行 六月二十二
日降授朝奉大夫提舉杭州洞霄宮劉炳勒停以言者
謂褫官輕典未厭士論故也 七月一日詔馮大臨罷
虞部郎中送吏部與合入差遣又詔特追兩官免勒停
餘依已得指揮以大臨附下罔上也 十四日新除淮
南發運使周種放罷以言者論其害政虐民故也 八
月二十九日知應天府何昌言特落徽猷閣待制改差
知大平州以言者論其唱為異說動搖國是也 九月
十五日新除京畿路提舉常平唐庚送吏與廣南遠小
處監當以給事中蔡疑論其出入權門輕儉薄故也
十一月二十一日河北羅便司勾當公事官蘇之益放

罷以言者論之蓋新差知明州奉化縣冒法求辟避事
免縣故也 十二月二十九日溫堯文罷衛尉少卿管
勾亳州明道宮以言者論其携家游青城張蓋入秦壇
故也 政和元年正月七日新差提舉京西鹽香茶事
魏伯芻放罷送吏部以言者論伯芻乃堂吏之子不可
以玷清選故也 十九日朝請大夫周秩添差監歙州
鹽酒稅務以言者論其污濫貪贓前後屢有言章罪大
謫輕故也 二月七日水部員外郎前提點荆湖南路
刑獄公事吳孝能荆湖南路轉運副使廖彥正並放罷
送吏部與合入差遣內廖彥正仍降兩官以言論在任
名不依法用刑及有詔士大夫更相訟訴有害風化體

量得實故有是黜 二十五日降朝請大夫提點京西南路刑獄陳革降兩官以盜發匿不以聞及不督捕故也 三月六日中書省言訪聞廣西運判周師中名將前任副使張莊所舉官吏竄據不已人不安職詔周師中放罷 十五日權發遣廬州周燾通判蔣堦僉判陳簡夫各降一官行舒城縣主簿權縣事劉嘉止特降一官衝替坐舒城縣私走歸明人也 二十四日李傳正罷開封府左司錄參軍送吏部言者論傳正之弟成允沒於王事朝廷恤孤官其三子傳正殊無義養至與寡婦分爭恩澤故黜之 同日罷戶部尚書許幾為天章閣待制知婺州以言者論其檢察染院不實故也 四

月十二日直龍圖閣夔州路轉運判官崔子堅降兩官落職提舉夔州路學事陳樞放罷先是詔諸路有弗便於民者監司各得具狀實封以聞子堅樞謫諛偷安皆以為無可條具故有是責也五月十三日詔范柔中叙轉奉議郎指揮更不放行以給事中蔡薺論駁柔中嘗詆毀先烈上書邪等數百人柔中為之冠今春有係籍人復官指揮士論駭愕至有疑於紹述者故有是命二十日禮部侍郎潘允知光州以言者論其朝堂班退以笏擊小吏暴忿輕肆故也二十二日詔貴朝請大夫馮大臨為濠州團練副使滁州安置以言者論其為廣西機宜與帥王祖道同惡相濟累轉十一官相道已

追貶昭信軍節度副使而大臨止罷虞部郎中監黃州
久長鎮尚為輕典故有是命 二十三日朝奉大夫荆
湖南路轉運判官徐輔送吏部與監當以言者論其非
才多病而乃騰奏自言無病故也 二十五日詔司勳
郎中鍾正甫司勳員外郎鮑慎田各降一官以任淮南
漕臣日違例受所部饋遺為言者所論故也 六月一
日端明殿學士知河陽府徐處仁落職知蘄州以前知
永興軍日與漕臣論職事語言凌毀意在沮格近日改
革陝右錢法故有是責也 六日集賢殿修撰知河陽
胡師文落職提舉亳州明道宮前提舉河東鑄錢許天
啟降兩官與監當以言論鑄當十錢天啟唱之胡師文

和之故有是命 二十三日提點京畿路刑獄張堂放
罷西京左藏庫副使提舉京畿保甲兼提刑賈君文降
兩官以言者論其不戢盜賊無辜被害汴河流屍故也

八月十一日中書舍人陳靈知和州以言論其命詞
失體故也 十九日顯謨閣待制知秦州穆京落職提

舉華州雲臺觀以言者論其任工部侍郎日於所轄增
價貨焉 九月一日觀文殿大學士新知河南府張商
英落職知鄧州以言者嘗論其十罪秘殿名邦皆非所
當得故也 四日大理卿王穀放罷少監任良弼等各
特降兩官以違法勘劾開封府官吏故也 十二日知
鄧州張商英降兩官秘書省秘書郎李士觀辟龐博士

尹天民並送吏部以商英在政府時擅出敕差士觀天民為政典局編類御前文字官故也 十三日詔殿中侍御史韓筠交結大臣蹤跡顯著送吏部與遠小處監當 二十一日責武安軍節度使郭天信為昭化軍節度副使單州安置以言者論其嘗薦張商英故也 十月四日庫部員外郎趙暘言邢倚已送吏部臣與倚一體乞賜黜責詔暘小臣不循分守愚弄朝廷追兩官勒停送道州編管二人皆商英所薦倚出而暘不自安故也 二十二日責太中大夫知鄧州張商英為崇信軍節度副使衡州安置責昭化軍節度副使單州安置郭天信為昭化軍行軍節度司馬新州安置以開封府獄

成嘗令餘員彭九僧德洪往來交結臣僚再論列故有是責 十一月十日范致明送蘄州編管范致君放逐便指揮更不施行皆以言者論其阿附張商英故也 二十一日衛尉少卿李詩降兩官以任光祿少卿日不檢察祫饗牛數故也 十二月十八日顯謨閣待制知明州蔡肇落職提舉杭州洞霄宮以言者論其非毀建立辟廱故也 二十五日詔淮西提點刑獄霍漢英河北東路提舉常平向宗哲並放罷以言者論其疲差廢職故也 二年三月八日知定州王漢之落職提舉杭州洞霄宮以筠雜違詔旨故也 五月九日利州路漕臣張臣放罷以陝晉軍餉蜀漢是資兩路告闕方行按

治遽進羨餘剥下罔上所進羨餘令本路提刑司接管
十一日責提舉西京嵩山崇福宮范坦為黃州團練
副使黃州安置以言者論其首建鬻田之議變亂舊章
故也 同日知温州虞防除名勒停送循州編管坐妄
建言講復當三錢為當十錢故也 二十六日責內容
省使建雄軍節度觀察留後知入內內侍省事直睿思
殿黃經臣為右衛將軍致仕任便居住以言者論其力
排紹述傾搖國是欲復元祐之舊故也又二十七日詔
黃經臣單州居住 六月十八日內侍李石王綬並罷
職石提舉亳州明道宮綬提舉西京崇福宮曹瑑罷樞
密都承旨提舉西京崇福宮以言者論其與黃經臣表

東倡為紛更之議故也 二十二日朝奉大夫國子司

業胡伸放罷送吏部與監當差遣坐言者論李諛以姦

慝助王經臣嘗以書薦伸諛伸之婿也 九月五日兵

部員外郎王莘降一官送吏部與監當差遣言者論其

前任江州日任情不法江西提刑體量到有寶故有是

命 十月二十八日知滁州蔡毅提舉杭州洞霄宮以

言者論其懷姦立異故也 十一月五日左司郎中李

文仲降一官以檢察翰林醫官減裂故也 十三日承

奉郎王彥愷宣德郎高積中承議郎趙公揆各降兩官

勒停以被差太廟行事各語笑高聲故也 同日轉運

副使王勤送吏部與遠小處監當以臣僚上言近隆德

府黎城等縣抑配等第戶喬智等津般夾錫錢赴晉寧
軍等處交納不及時支與腳錢致津般到逐州在政和
元年九月頒降不行使夾錫錢指揮之後本府勾追喬
智等禁勘監勤出賣家產陪納詔並放仍免納當職官
人吏並特衝替臣有以見陛下愛民之心至深切也然
臣體訪得河東路政和元年九月內承受朝旨不行使
夾錫錢委官措置實勤專領其事勤措置乖方一路受
弊應本路州軍勾追津般夾錫錢人戶追納見行使錢
善人監勒出賣產業並係受勤節次公牒今隆德府官
吏並已衝替獨勤偃然尚竊漕寄中外尤以籍籍臣訪
聞勤性質貪污善於營已襄齊二州有產業一路官吏

目之為襄齊轉運副使蓋譏其背公營私也伏望罷黜
使外臺苛刻乖謬背公營私之吏知所懲戒故有是命
十九日承議郎謝孚送吏部與合入差遣言者論昨
來臣僚論列戶部尚書劉炳元符梓宮在嬪日延娼女
等事非炳乃孚也久未辯實望加竄斥從之 二十八
日梁子野罷知太原府鄰近州軍取勘先是十月十九
日詔子野偽為嘉禾以進官吏送提刑司取勘至是臣
僚言近來風俗之弊誕謾相尚特出於濫進無耻侍從
守臣輩更相迭和妄為祥瑞之獻李諛昨以蟾芝收而
梁子野今嘉禾事發將粟三科謂相隔五隴生為一穗
膠粘紙纏正類兒戲情涉愚弄其罪誠重於諛諛帥永

安撫使錢昌特罰銅十斤以妄奏女夫

常州內舍生胡生胡

胡

朝書寫機宜文字故也

二十二日責崇信軍節度副

使張商英為汝州團練副使以言者論鞠李彪指斥公

事商英以事在赦前令開封府一面斷放故有是責

二十七日罷太常少卿劉安節與知州差遣以臣僚言

其趣操不純議論邪僻親老居鄉侍養有闕故也 七

月三日河東河提舉常平崔鈞降一官以隆德府監寶

寧李拱收支不明體訪聞奏尚書勘會鑄錢司係坑冶

司統轄本官妄行按發既是隆德府申到却作體訪顯

屬誕謾故有是命 十四日提舉成都府路學士王瞻

放罷以臣僚論其學術頗僻素號邪人蔡肇嘗持異論

公肆詆欺。瞻又從而和之。蓋瞻乃肇之婿也。自到任以來。一向姑息。以賈士譽。故有是命。十九日。知温州郭敦實通判韓緒權都監丁約各降一官。以遺火燒公私舍屋故也。九月二十六日。管勾成都府玉局觀李之儀除名勒停。知太平州當塗縣權通判孫郊太平州司法尚子熹司戶程通各衝替其之儀。于令隨母已補假將仕郎補牒追奪毀抹淮東提刑司勘到之儀與楊妹踰濫及信憑楊妹所生男為已子增歲乞補孫郊向子熹程通失覺察故皆坐之。十月十七日。前太府寺丞周池降一官。戶部員外郎李稅戶部侍郎胡師文各展二年磨勘。以刑寺勘到池承戶部牒定奪行人梁錢鹵。

莽師文稅尺憑所申並不取會故有是責 十一月十
四日顯謨閣待制提舉成都府玉局觀王覺落職以嘗
為廣東漕臣納賂故也 十二月十七日責梁美子為
安化軍節度副使單州安置以言者論其怙姦挾詐等
罪故也 四年正月一日端明殿學士知潁昌府徐處
仁落職提舉南京鴻慶宮以言者論其縱釋有罪故也
八日四廂都指揮使薛安責授保康軍節度行軍司
馬衡州安置以自為管軍私喜怒擅決御前宣喚人違
慢不恭故也繼而臣僚上言復移永州安置 十三日
承議郎河北東路提舉常平郭久中降一官劉恭革趙
希孟並衝替以開德府稅戶樂珍等陳訴元豐年黃河

口決涉於城外地土高新城內麻下漸成積水當時並據緊慢栽稅委是平允尋差再再方量所定輕重不當乞將元豐年均稅則例等第比類均裁新稅本路提刑司體量得本府南北二城屋稅曾經元豐年方量裁定十等稅錢後來別無人戶論訴不均今來方田官制恭革趙希孟依政和二年十月朝旨立定正次二十等遞減五釐均定稅錢委元豐年所定則例上輕下重不均故有是責 二月十一日襄州通判王渝鄧州通判蕭從並放罷取勘以京西轉運司奏唐定襄汝四州稅奉詔元豐已立五等之稅今日自當遵守令轉運常平措置聞奏而鄧襄二州通判弛慢並無報應故有是責

十三日顯謨閣直學士提舉西京嵩山崇福宮張近落
職以嘗為河東帥買馬科擾故也 十四日顯謨閣待
制知鄆州孫鑒落職提舉南京鴻慶宮以言者論其在
大觀間觀望取容詆毀時政故也 五月十九日顯謨
閣待制知滁州郭敦實落職提舉亳州太清宮以知溫
州日定僧道序位非是故也 六月八日罷給事中洪
彥為集賢殿修撰知滁州先是有旨張商英復官命下
之日彥昇詐稱疾在告為言者論列故黜之 二十二
日詔京西路轉運使王璠河南少尹范臻修西内科擾
並放罷 同日直秘閣曹坦落職以言論其為河北漕
日暴虐縱屬官張慙輩傷害善良目為五虎故責之故

也 同日朝議大夫集賢殿修撰王璠落職以言者論其責輕故也 七月六日朝散大夫直秘閣淮南江州荆湖等路發運副使趙震特降兩官以言者論任京畿漕日按舉不公故也 八月七日朝散大夫提點兩浙路刑獄李公年降官以列奏罔功以害黜陟故也 十五日知湖州章援除名勒停時父惇追贈觀文殿大學士援表謝乃曰先臣輔政於元豐之間前後六年當軸於紹聖之初始終七載神宗皇帝立于以長故守死以奉憑几之言哲宗皇帝愛弟惟均故條陳以聽東朝之命其言多文飾故有是命 九月八日述古殿直學士知襄州石公弼責授秀州團練副使台州安置以詆証

先烈故也 二十三日承議郎珍州司錄參軍湯嵩降

一官衝替以忠翊郎管界巡檢葉仲謀買賣乞覓斫到夷人頭級冒求功賞嵩失覺察故也 二十六日蕢州

路轉運司管勾帳司李公奕知大寧監王藻各降一官藻坐前知忠州公奕任忠州墊江縣令各失詳前後朝旨借當二錢支依預買紬絹錢故也 二十八日前相

州通判晁將之前河北第十二將晏遇並勒停各特展兩期叙將之坐禁軍當值及將長行作巡防占留遇坐多差禁軍在將之下不勾抽歸營各該恩特有是責

二十九日知永州唐懋提點南京鴻慶宮俞瑾提舉福建常平黃靜各降一官以懋瑾靜前任監司專勾司各

各不點檢放過史宗臣詐請不該請受厯故也 十月

二日前通判隴州李僅降一官仍依衝替人例坐託隴安知縣買鷹麝香鹿茸該恩特責 同日新知澤州康

承衍降一官坐知磁州日乞迴避運使曹坦不當該赦

特責 八日荆湖南路提刑苗仲淵降一官知鄂州蘇

敏中通判董勵李丹各降一官衝替以容縱人吏乞覓不支將帶鹽鈔人鹽致有詞訴仲淵受狀亦不按治故

也 同日顯謨閣待制知黃州吳執中落職以言者論

其朋黨罔上故也 二十六日京東西路提舉常平吳

仲賢特降一官以按發濮州雷澤知縣胡鑑不支捕犯

香人賞錢取到刑部狀香鹽事係屬提舉鹽香茶事司

即非提舉常平司職事當牒所屬監司不合直行按發故也 二十九日述古殿直學士知開德府俞橐責授常州團練副使太平州安置臣僚言謹按襄州衙規每年差衙前管押荆南布至陳蔡等一十三州軍此紹聖所定窠名具在永為不刊之典而前知襄州俞橐在任輒累申朝廷以自襄州般布至佗州致使本州衙前多有逃避且謂諸州衙前重難色役併在一州為不均欲乞令陳蔡等州軍各自遣人備脚乘前來襄州般取合起布數如此則紹聖所定一路衙規皆非而當改矣又橐奏內狀指言衙前差出家人代管勾侵欺愈多不可勝禁竊以為未便係毀元豐法度并列陳五未便係毀

紹聖法度故有是責 十一月十二日淮南運副石幟
令吏部與遠小處監當以幟中乞立法司分巡州縣
許省察諸司倉庫點檢諸司簿書侵官越職有違元豐
成憲故也 二十八日提舉河北東路常平郭久中提
舉江南西路學事郭倫並放罷送吏部提點兗州東獄
觀唐最朝奉大夫張輦監楚州糧料院周彥質提點西
京嵩山崇福宮都貺各降一官武功大夫錢景允降一
官勒停以御史臺看詳久中最皆論支移僨郡財用非
是輦言近詔陝西罷用大鐵錢收鑄夾錫錢其實鐵錙
三積久生鏽錫錢無辨廢壞錢法彥質貺妄議州縣學
生身丁有害學法景允坐論改官錢作當四當五非官

錢作當二有害錢法故有是命 五年正月八日顯謨

閣待制知揚州呂益柔宣議郎曹公年勒停人朝散大夫衛孚各降一官一以益柔昨知鄭州與通判衛孚戶曹曹公年因百姓扇搖妄稱不使錢鐵並不措置以致市井閑閑故皆責之 二月一日監察御史虞奕罷送

吏部與合入差遣以與歐陽奉世論及俞橐事故也

八日知蘭州張必特降兩官勒停以大理寺奏眉州甚到必令人戶入錢助邊以徵爵祿故也 四月十五日

知咸平縣向子諲降一官衝替以咸平縣勘到劉青倫盜公事不依條結解赴府徑申朝廷乞不原赦為開封府所奏故有是責 二十四日詔秘書監林震知蘄州

太常少卿曾開與遠小監當以言者論震漏榻前語開
權詞掖妄有沮格及從駕不恭故也 五月二十六日
徽猷閣直學士提舉西京嵩山崇福宮龐恭孫落職坐
前知成都府貪墨營私故也 七月十二日醫學博士
朱肱送吏部與遠小處監當差遣以言者論其黨元祐
姦臣及為元祐學術故也 二十五日兩浙路轉運副
使徐鑄降一官以前任兩浙常平日考課前知温州呂
由誠引奏不當故也 八月十一日應天尹汪澥與宮
祠坐言者論其年老多病事皆委積故也 十三日中
書舍人陳邦光罷差提舉杭州洞霄宮池州居住坐桂
林易帥邦光預選而乃安寵辭難抗避已行之命為言

者所論 十六日顯謨閣待制知秦州穆京落職提舉
華州雲臺觀以言者論其貪求苟得故也 十八日王
宋除名勒停免編管勒令侍養初宋除知襄州奉御筆
王宋張懷素案內有此姓名與都下宮觀繼而宋奏以
自辯云張懷素等所犯兇逆罪至誅夷臣與張懷素並
不識面亦不係親戚婚姻不曾保任薦舉逐人亦不曾
與書簡往還故特有是責 九月十三日顯謨閣待制
知河陽任熙明落職提舉華州雲臺觀以言者論其不
救護河陽浮橋故也 二十二日秘書省校書郎王時
雍送吏部以言者論其貪墨頗僻寅緣冒進故也 十
一月六日司封郎官陳之邵吳升考功員外郎鮑慎由

吏部員外郎葉唐稽各降兩官吏部侍郎姚祐降一官以不覺察點檢人吏韓仲孫洗改官告也 六年正月

二日詔顯謨閣待制秦鳳路經畧安撫使何常責授昭化軍節度副使房州安置以壬戌日擅決罰大不恭故

也 九日提舉荆湖南北路監茶礬事陳彥武勒停以

言論其酷虐故也 二十七日少府少監文維中送吏

部與監當以言者論維中擅其父彥博所得恩澤不及孤遺而孀嫂寡婦交訟故也 三月十五日朝請大夫

前知信州虞暮追毀出身以來文字特除名勒停永不得收叙送朱崖軍編管以私忿違法擅行追攝本州通判郭沔送右獄留禁且奏聞因依不實故也四月三日

湖南轉運副使程元佐轉運判官喬方運勾蘇公才各降一官以朝旨取會湖南北路土軍弓弩手人數及廢置下逐路轉運司勘會經六催不報故也 二十八日荆湖北路提刑毛衍提刑司檢法官溫琦各降一官坐不催鄂州差撥邵州屯駐人兵也 五月七日直龍圖閣知兗州方邵落職提點建州武夷山冲佑觀以臣僚言其蹤跡污穢也 十八日直秘閣劉宗韓落職依前提點西京嵩山崇福宮以言者論其兄弟爭訟無雍睦之義也 二十一日前知常州晁端誠通判朱轅各降一官以均羅違法故也又有旨監官衛替 九月十七日顯謨閣直學士提舉南京鴻慶宮洪中孚降授顯謨

閣待詔以言者論其帥真定緣昏耄與宮祠乃請入對
故也 二十九日徽猷閣待制知洪州張滌落職提點
江州太平觀以言者論其朋附阿私故也 十二月八
日南劍州司兵曹事將仕郎章揆可勒停以昨權劍浦
縣事將曾貢士陳汝賢斷決仍更剗除頭髮為和州黃
懋所奏故也 十一日詔任宗易張調檢踏建寧軍
城地基前後異同比委帥司體究雖是湯延俊董承有
所獻地土緣從初不竊子細幾誤興築可並追奪昨因
檢踏轉官恩命仍衝替以戒誕謾 二十二日京畿轉
運徐閔中運判陳迪各降一官以頴昌府奏勘會每年
合起發上供木炭合用本錢轉運司不肯依限支撥並

無回報故也

政和七年正月十四日李孝彥罷尚書

部員外郎以言者論其妄奏請併左右驂驥院為一院

紊亂官制故也

十八日提點淮南西路刑獄黃敦信

光州定城縣令王紳巡檢忠訓郎張修各降一官以開

封府斷遣陳崇等夜聚曉散傳習妖教有旨事發日本

處官坐之故有是責

二月十八日淮南轉運副使李

祉轉運使張根各降一官以妄舉發揚州戶曹胡鱣擅

載蘄州綱米一千二十餘石應副兩浙直達綱不當故

也

三月二十三日知茂州劉唐詢特降一官以茂州

徭人作過故也

四月十七日尚書戶部侍郎韓紹落

職與外任宮祠日下令開封府押出門以言者論傾邪

忿爭故也

二十一日湖北提舉香藥盧宗原湖北常

平趙霖放罷送吏部與令入差遣以言者論其欺妄誕
謾專恣狂妄故也 五月十五日大理寺權評事李龜

長評事薛仁

輔

各降一官丞胡正修劉元長權正李彥

卿各展一年

勘

少卿周宗師罰銅十斤以法寺斷毛

旺係開殺該赦刺配千里牢城後來因朝廷問難改斷
鬪殺絞罪故元斷官坐之 二十二日知處州晏曇降

兩官勒停以言者論其荒淫不法故也同日徽猷閣直

學士知中山府張杲落職與宮觀武翼郎孫用誠降三

官勒停循州編管以杲積慮乖違臨機輕易用誠職在

巡防弗究事情敢爾輕易故也

六月一日天章閣待

待制提舉洪州玉隆萬壽宮曾孝蘊責授安軍節度副使筠州安置以言者論其居池州干擾州縣侵奪民田體究有實故也 四日河北西路常平賀希仲送吏部與合入差遣以言者論其猥惡不廉故也 六日知成都府周燾利州路廉訪使者丁弼各降兩官統制茂州軍馬張永鐸特降三官以永鐸進兵出討靜州蕃賊失利燾弼措置乖方故皆責之也 十二日勾當街道司曾絢都大總領梁平並降兩官勒停仍展三期序以私置枷棒拷縛人兵故也 十八日詔饒州德興縣以前當職官降一官見任降兩官衝替以本縣稅戶董鴻進狀自大觀元年後官中取索過金銀以和買為名不支

價錢得旨令本路提刑司體量據體量到已後節次支還訖猶有此責 二十五日朝請郎劉繹降一官以御史言其著紗分服朝見大理寺定到陰減外合罰銅四斤特有是命 二十七日知積石軍辛興宗勒停取勘以不法亂常引惹邊事故也 七月一日勅令所刪定官黃薦可衝替係私罪重永不得與教官差遣以言者論其任學官日叔祖步出歐人抵罪故也 十七日權發遣鼎州張察可降兩官御筆以察差官齎御筆手詔撫納胡耳西道輒遣男暖姪照前去說諭身為帥臣不能一意公家選用材武協濟邊事而私其子姪意在徼賞可降兩官以為開疆拓邊挾私害公之戒也 同日

步軍副都指揮使麟州觀察使杜大忠特降授濮州團練副使徐州總管以傲狠怨望故也 八月十日廣東運判黃叔教降一官以差人管押物赴京元給到黑漆木牌上有金填一十二字寫黃運判銜位及用黃帕裹為江寧府奏到故有是責也 二十九日前知虔州虔興縣歐陽知晦更降一官勒停知晦昨在任被罪追三官除名人已經一年以上又理訴元勘故復坐之 九月二日監察御史蔡純臣放罷純臣奏臣竊惟今明當之建其制度已純於古茲者天休昭格太史奏言火星行度遠避心星而心為明堂之次越既望二日甲寅夜流星出柳星異光照地而示宗廟有喜建造宮殿之象

有旨純臣越職奏論意在迎合送吏部與監當差遣十七日戶部員外郎陳公彥送吏部以宗祀明堂省饌日後至故責之二十三日顯謨閣直學士提舉亳州明道宮胡師文落職以書神宗誕日雜於臣庶之間言者論其不恭故也二十八日徽猷閣待制知洪州張滌落職提點江州太平觀以言者論其明附阿私也十一月二日詔淮西提刑黃敦信縱盜匿不即聞可勒停取勘八年正月二十七日葛勝中罷大司成提舉江州太平觀以言者論其邪僻不足當師儒之選也四月三日詔監察御史黃頴向因臣僚上言有陷穽之名豈可更為臺屬可送吏部與合入差遣四日承

議郎知南康軍奚獻之勒停以江南東路提舉常平司
奏其不法故也 十四日詔淮南運使張根輕躁妄言不
循分義親書奏牘注改草畧傲慢不恭可落責監信州
酒稅繼而臣僚又論其輒肆姦言欲害先烈以歛散為
病民以市易為競利有旨責授濠州團練副使郴州安
置 五月三日提點淮南西路刑獄李傳正勒停以盜
發大安寢不聞報稽緩失機故責之 十三日詔倉部
郎官徐禔追毀出身以來文字除名勒停送廬州編管
以禔被命措置東南九路銅錫及坑冶寶貨專事欺罔
邀功倖賞所至逼脅州縣俾丞虛數致言者論列故有
是命也 六月九日給事中吳敏提舉南京鴻慶宮先

是盜發淮西朝廷遣兵討平始以首惡三人置之極典
餘皆遞降有傅旺等初被驅脅後為賊用其巧法當論
死而敏䟽駁以為脅從罔治為言者所彈故有是命也
二十一日詔荆湖北路廉訪使者李滋奉詔遷延妄受
供饋虧價買物除名配衡州 七月九日詔知温州徐
韶美閹冗非才與嶽廟 十一日嶽猷閣待制前知鎮
江府蔡居厚落職依舊宮觀坐言者論其在任日迎接
御書神霄宮牌不肅故也 十八日詔武功大夫康州
刺史權發遣保州王拱降兩宮落選刺與宮觀不得至
京以為貪吏之戒 時令漕臣措買名房廊收諸州公
庫醋務息錢以佐邦用而拱輒奏委是供給不行故有

是責也 八月六日詔禮部尚書蔡疑明附要權黨蔽其私阿尊事貴嘗命大臣往諭斯意俾對便殿面詰其由而毅然弗從殆今踰月為臣若此於義安乎責授團練副使房州安置 七日資政殿學士提舉杭州洞霄宮林摠落職以幹人置田瘠民抑令倍賞制獄成故也 十三日吏部侍郎李杭提舉亳州太清宮中書舍人賈安宅提舉杭州洞霄宮中書舍人宇文黃中提舉鳳翔府上清太平宮起居郎李彌遜明堂頒事鄭昂並送吏部以言者論其植黨分明冒犯廉耻為朝廷患故也 十五日尚書戶部侍郎任熙明知同州以奏請不當故也 二十六日詔罷鴻臚卿王俟太常少卿莫儔左

司郎中姚宗彥張大亨右司員外郎王禮符寶郎黃穎
錢蘊之並與宮觀以言者論其超權貴之門為偷合之
計朋比徇私蔑棄公法故也 九月十六日詔徽猷閣
待制知州王覲自階從官一無報効造言附會可落
職知商州 二十四日鼎澧路都鈐轄張察放罷差提
點西京嵩山崇福宮 初臣僚嘗論列察不法事有旨
命本路漕刑體究湖北路轉運提刑司體究各無事實
以言者曾論遂有受命^此 二十九日詔知襄州趙岍飲
燕無度搔擾百姓可放罷 閏九月二日右文殿修撰
文維申罷知亳州提舉南京鴻慶宮 以陳乞回授恩
澤繆誤故也 八日太學博士錢抃辟癰直學古錢堪

並送吏部以言者論圻謫佞權貴故兄弟併黜 十七
日詔項發運使在仕諒奏泗州大水躬親救護得以無
虞致行賞典尋知漂溺人口千數學舍倉庾悉已衝圯
浮橋斷壞諒匿而不言公肆虛誕可勒停